

Broj: 02-02-4-645/24  
Mostar, 10.04.2024.godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
SARAJEVO

Prilijeno: 18-04-2024			
Org. jed.	Broj	Priloga	Vrijednost
05/1-	02-112/24		

Bosna i Hercegovina  
Federacija Bosne i Hercegovine  
ZASTUPNIČKI DOM PARLAMENTA FEDERACIJE BOSNE I HERCEGOVINE

n/p Admir Čavalić, zastupnik

**Predmet:** Odgovor na zastupničko pitanje zastupnika Admira Čavalića,  
dostavlja se –

**Veza:** Akt Vlade Federacije Bosne i Hercegovine broj: 03-04-579-1/2024 od  
22.03.2024. godine i Akt Zastupničkog doma Parlamenta Federacije BiH  
broj: 05/1-02-112/24 od 20.03.2024. godine

Na sjednici Zastupničkog doma Parlamenta Federacije Bosne i Hercegovine održane  
dana 14.03.2024. godine, uvaženi zastupnik u Zastupničkom domu Parlamenta  
Federacije Bosne i Hercegovine, Admir Čavalić postavio je zastupničko pitanje koje  
glasi:

*„Zakon o javnim preduzećima Federacije Bosne i Hercegovine u članu 6. stav (2)  
propisuje da „Skupština podnosi općinskom vijeću, skupštini kantona, odnosno  
Parlamentu Federacije Bosne i Hercegovine izvještaje o radu i poslovanju javnih  
preduzeća najmanje jednom godišnje“. S tim u vezi, molim Vas za odgovor da li je  
Skupština vašeg javnog preduzeća dostavila (i kada) Parlamentu Federacije Bosne i  
Hercegovine izvještaj o poslovanju za 2022. i 2023. godinu, u skladu sa Zakonom o  
javnim preduzećima, te ukoliko nije, zbog čega.“*

Ovim putem, a sukladno sa člankom 116. stavak 3. Poslovnika o radu Zastupničkog  
doma Parlamenta Federacije BiH, dostavljamo odgovor na zastupničko pitanje.

Člankom 5. stavak (1) Uredbe o vršenju ovlaštenja u gospodarskim društvima sa  
učešćem državnog kapitala iz nadležnosti Federacije Bosne i Hercegovine  
("Službene novine Federacije BiH", br. 20/16, 3/17, 9/17, 69/17, 96/17 i 101/22) (u  
daljem tekstu: Uredba) propisano je da Vlada Federacije BiH utvrđuje Listu  
privrednih društava u kojima vrši ovlaštenja temeljem učešća državnog kapitala iz  
nadležnosti Federacije BiH. Stavkom (3) propisano je da je Lista je sastavni dio ove  
uredbe.

Vrijedi napomenuti da je do 2014. godine ovlaštenja po osnovu učešća državnog  
kapitala u Federaciji Bosne i Hercegovine vršila Vlada Federacije Bosne i  
Hercegovine putem resornih ministarstva, a nakon izmjene Uredbe, ova ovlaštenja  
vrši Vlada Federacije Bosne i Hercegovine neposredno, dok federalna ministarstva  
vrše samo praćenje rada, upravni nadzor, nadzor nad općim aktima monitoring i

podnošenje izvješća Vladi Federacije BiH nad gospodarskim društvima iz točke I. ove liste.

Vršenje ovlaštenja na temelju učešća državnog kapitala iz nadležnosti Federacije BiH podrazumijeva sljedeće:

1. učešće u radu i odlučivanju skupštine;
2. izbor i nominiranje kandidata za imenovanje članova nadzornih odbora i razrješenje dužnosti članova nadzornih odbora prije isteka mandata;
3. davanje suglasnosti za imenovanje članova uprava i razrješenje dužnosti članova uprava prije isteka mandata.

Izmjenom Uredbe („Službene novine Federacije BiH“, broj 101/22) izmijenjena (ažurirana) je Lista gospodarskih društava u kojima Vlada Federacije BiH vrši ovlaštenja na temelju državnog kapitala iz nadležnosti Federacije BiH.

Točkama I. i II. Liste utvrđena su gospodarska društva u kojima Vlada Federacije BiH vrši neposredna ovlaštenja (sva društva sa Liste).

Točkom III. Liste, utvrđena su gospodarska društva u kojima praćenje rada, upravni nadzor, nadzor nad općim aktima monitoring i podnošenje izvještaja Vladi Federacije BiH (ali ne i neposredna ovlaštenja) vrše resorna ministarstva.

Napominjemo da Federalno ministarstvo energije, rudarstva i industrije može dati odgovor samo za ona gospodarska društva/javna poduzeća u kojima, u skladu sa točkom III. Uredbe, praćenje rada, upravni nadzor, nadzor nad općim aktima monitoring i podnošenje izvještaja Vladi Federacije BiH vrši ovo Ministarstvo.

Kada je u pitanju Federalno ministarstvo energije rudarstva i industrije, ono prema važećoj Uredbi i Listi vrši praćenje rada i nadzor nad sljedećim gospodarskim društvima:

1. ArcelorMittal Zenica d.o.o. Zenica
2. JP Elektroprivreda BiH d.d. Sarajevo,
3. JP "Elektroprivreda HZ HB d.d. Mostar,
4. BH-Gas d.o.o. Sarajevo,
5. Energoinvest d.d. Sarajevo
6. Energopetrol d.d. Sarajevo,
7. Aluminij d.d. Mostar,
8. Konfekcija "BORAC d.d. Travnik,
9. Energoinvest Comet d.d. Sarajevo,
10. RMU Banovići d.d. Banovići,
11. Operator - Terminali Federacije d.o.o. Sarajevo,

Federalno ministarstvo energije rudarstva i industrije putem Federalne direkcije za namjensku industriju vrši praćenje rada i nadzor nad sljedećim gospodarskim društvima:

1. BNT Tvornica mašina i hidraulike d.d. Novi Travnik,
2. Pretis d.d. Vogošća,
3. UNIS Ginex d.d. Goražde.
4. Igman d.d. Konjic,
5. BINAS d.d. Bugojno,
6. Zrak d.d. Sarajevo,
7. Tehničko remontni zavod Hadžići d.d. Hadžići,
8. UNIS-GROUP d.o.o. Ilidža.

Dalje, kada je u pitanju Zakon o javnim poduzećima u Federaciji Bosne i Hercegovine ("Službene novine Federacije BiH", br. 8/05, 81/08, 22/09 i 109/12) (u daljem tekstu: Zakon), potrebno je naglasiti da sva gospodarska društva sa učešćem državnog kapitala nisu istovremeno i javna poduzeća. U tom smislu potrebno je obratiti pozornost na članak 2. stavak (1) i (2) Zakona kojim je dana definicija javnog poduzeća.

Člankom 2. stavak (1) propisano je da je javno poduzeće, u smislu ovog zakona, pravno lice koje je upisano u sudski registar kao gospodarsko društvo i koje obavlja djelatnost od javnog društvenog interesa (energetika, komunikacije, komunalne djelatnosti, upravljanje javnim dobrima i druge djelatnosti od javnog društvenog interesa) ili pravno lice definirano kao javno poduzeće posebnim propisom.

Stavkom (2) istog člana propisano je da djelatnost od javnog društvenog interesa utvrđuju općina, kanton i Federacija Bosne i Hercegovine, svako u okviru svojih nadležnosti.

U vezi sa navedenim člankom 2. stavak (2), Zakona, Vlada Federacije BiH donijela je Odluku o utvrđivanju djelatnosti od javnog društvenog interesa Federacije Bosne i Hercegovine koju obavljaju javna poduzeća u kojima Federalno ministarstvo energije, rudarstva i industrije vrši ovlaštenja na temelju učešća državnog kapitala ("Službene novine Federacije BiH", broj 8/10). Točkom I stavak (1) Odluke utvrđeno je da je energetika u oblasti energije i plina je djelatnost od javnog društvenog interesa, a točkom I stavak (2) Odluke utvrđeno je da su javna poduzeća koja obavljaju djelatnost od javnog društvenog interesa iz stavka (1) ove točke i u kojima ovlaštenja temeljem učešća državnog kapitala vrši Federalno ministarstvo energije, rudarstva i industrije:

1. JP Elektroprivreda BiH d.d. Sarajevo,
2. JP "Elektroprivreda HZ HB d.d. Mostar,
3. BH-Gas d.o.o. Sarajevo.

Nakon izmjene Uredbe, ovlaštenja u ovim javnim poduzećima više ne vrši Federalno ministarstvo energije, rudarstva i industrije nego Vlada Federacije BiH neposredno, dok Ministarstvo vrši samo praćenje rada, upravni nadzor, nadzor nad općim aktima, monitoring i podnošenje izvješća Vladi Federacije BiH.

Kao što je vidljivo ova definicija ne zahtjeva učešće državnog kapitala u gospodarskom društvu da bi se isto smatralo javnim poduzećem, a iz toga proizlazi sljedeći zaključak:

da bi neko pravno lice bilo javno poduzeće, pored toga što je upisano u sudski registar kao gospodarsko društvo, potrebno je da je ispunjen najmanje jedan od dva postavljena uvjeta i to:

1. da obavlja djelatnost od općeg društvenog interesa (bez obzira na učešće državnog kapitala) ili
2. da je posebnim propisom definirano kao javno poduzeće (to može biti propis Federacije, kantona ili općine).

Dakle, ukoliko se ova definicija primijeni na gospodarska društva sa Liste, u kojima je ovlaštenja po osnovu učešća državnog kapitala, vršilo Federalno ministarstvo energije, rudarstva i industrije, onda se vidi da ovdje postoje samo tri javna poduzeća

sa predmetne liste, iz razloga što ispunjavaju uvjete iz zakonske definicije javnog poduzeća.

Kako ostala gospodarska društva, iako se nalaze na Listi gospodarskih društava sa učešćem državnog kapitala, nisu javna poduzeća, pa se na njih Zakon ne odnosi, samim tim i ne postoji obaveza iz članka 6. stavka (2) Zakona, kojim je propisano da Skupština javnog poduzeća podnosi općinskom vijeću, skupštini kantona, odnosno Parlamentu Federacije BiH izvješće o radu i poslovanju javnih poduzeća najmanje jednom godišnje.

Kada su u pitanju tri javna poduzeća sa Liste, točno je da postoji njihova obaveza izvještavanja Parlamenta Federacije BiH najmanje jednom godišnje, kao i da ova javna poduzeća nisu dostavila izvješće o radu i poslovanju za 2022. i 2023. godinu

Razlog zašto ova javna poduzeća nisu dostavila izvješće o radu i poslovanju za 2022. godinu Parlamentu Federacije BiH je okolnost da njihove skupštine nisu, u skladu sa člankom 234. točka d) Zakona o gospodarskim društvima ("Službene novine Federacije BiH", br. 81/15 i 75/21), usvojile svoja godišnja izvješća o poslovanju društva koja uključuju financijsko izvješće i izvješće revizora, nadzornog odbora i odbora za reviziju.

Što se tiče 2023. godine, sve skupštine nisu još usvojile izvješća za 2023. godinu, a rok za njihovo usvajanje je do 30.06.2024. godine, tako da još uvijek nije istekao period za njihovo dostavljanje.

Uzimajući u obzir sve gore navedeno, Federalno ministarstvo energije, rudarstva i industrije je uputilo akt broj: 05-02-1-551/24 od 19.03.2024. godine prema sva tri navedena javna poduzeća i zatražilo od istih da dostave navedena izvješća iz 2022. godine, kako bi ista putem Vlade Federacije BiH bila upućene Parlamentu Federacije BiH na razmatranje i odlučivanje.

Ispričavamo se na opširnom odgovoru, a i za dalja pitanja, konzultacije ostajemo Vam na raspolaganju.

S poštovanjem.

**MINISTAR**

Vedran Lakić

**Dostavljeno:**

- Zastupničkom domu Parlamenta Federacije BiH  
zastupnik Admir Čavalić,
- Generalnom tajništvu Vlade Federacije BiH (na znanje)
- Uredu tajnika Zastupničkog doma Parlamenta Federacije BiH (na znanje)
- evidenciji i
- a/a

БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ  
ФЕДЕРАЛНО МИНИСТАРСТВО КУЛТУРЕ И СПОРТА

Broj: 03-36-1-2011/24 MMŠ  
Sarajevo, 17. 4. 2024.

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 10-04-2024			
Org. jed.	Broj	Priloga	Vrijednost
05/1	-02-	165	24

**BOSNA I HERCEGOVINA**  
**VLADA FEDERACIJE BOSNE I HERCEGOVINE**

n/p Edite Kalajdžić, tajnice Vlade Federacije Bosne i Hercegovine  
n/p Ivana Milićevića, tajnika Zastupničkog doma Parlamenta Federacije BiH  
n/p Admira Čavalića, zastupnika Zastupničkog doma Parlamenta Federacije BiH

**PREDMET:** Odgovor na inicijativu Admira Čavalića, zastupnika  
u Zastupničkom domu Parlamenta Federacije BiH  
Veza Vaš akt broj: 03-04-579-4/2024 od 4. 4. 2024.

Poštovani,

U vezi sa zastupničkom inicijativom koju je podnio Admir Čavalić, zastupnik u Zastupničkom domu Parlamenta Federacije BiH, a odnosi se na navođenje imena Abdulaha Sidrana u nazivu Fondacije za kinematografiju, dajemo slijedeći odgovor:

Sukladno Zakonu o udrugama i fondacijama ("Službene novine Federacije BiH", broj: 45/02) Fondacija za kinematografiju utemeljena je 2007. godine Odlukom Vlade Federacije Bosne i Hercegovine (V broj: 898/2007 od 19. 12. 2007. godine). U cilju poticanja, stimuliranja, razvoja i unapređivanja filmskog stvarateljstva i filmske proizvodnje na teritoriji Federacije Bosne i Hercegovine Fondacija djeluje kao otvorena i svim žiteljima dostupna institucija, koja sukladno važećim zakonskim propisima nepristrano i transparentno dodjeljuje finansijsku potporu u oblasti filma.

Stoga, bilo kakva promjena naziva ili stavljanje predznaka u nazivu odstupa od prvobitnog i do danas zadržanog okvira rada i djelovanja Fondacije koja će i nadalje biti jednako otvorena za sve žitelje Bosne i Hercegovine.

Kada je riječ o bosanskohercegovačkom piscu Abdulahu Sidranu iza kojeg je ostao nesumnjivo vrijedan stvarateljski opus vjerujemo da će biti dovoljno razumijevanja i potpore za utemeljenje neke nove fondacije koja bi nosila njegovo ime i djelovala sukladno vrijednostima za koje se Abdulah Sidran zalagao svojim javnim djelovanjem.

S poštovanjem,

**MINISTRICA**  
  
**Sanja Vlasisavljević**

